
Сайёр қабулга иш сўраб келган аҳоли вакилларига шу ернинг ўзида бўш иш ўринлари таклиф этилмоқда

Маҳаллаларда ўрганишлар ва аҳолининг эътирозлари, муаммо ва мурожаатларига ечим топиш мақсадида секторлар раҳбарлари томонидан доимий тарзда сайёр қабуллар ва учрашувлар ўтказилмоқда.

Бугун “Ғунча” маҳалла фуқаролар йиғинида туман ҳокими Жаҳонгир Жуманов бошчилигида, секторлар раҳбарлари, Халқ қабулхонаси мудирини, маҳаллалардаги ҳоким ёрдамчилари ҳамда масъул ташкилотлар билан биргаликда сайёр қабул ўтказилди.

Қабул чоғида электр таъминоти, ичимлик суви тармоғи тортиш, моддий ёрдам, кредит олиш каби масалалар бўйича жами 20 та мурожаат келиб тушди. Қабул давомида 7 та мурожаат ижобий ҳал этилган бўлса, қўшимча ўрганиш талаб этилган мурожаатлар тегишлилиги бўйича масъулларга йўналтирилиб, назоратга олинди.

Сайёр қабул давомида фермер хўжаликлари, кичик бизнес субъектлари, корхона, ташкилот, муассасалардаги бўш иш ўринлари бўйича меҳнат ярмаркаси ҳам ташкил этилди. Унда туманда фаолият юритаётган 18 та корхона, ташкилот, муассасалар, кичик бизнес субъектлари ҳамда фермер хўжаликлари ўзларида мавжуд бўлган 74 та бўш иш ўринлари билан қатнашдилар.

Меҳнат ярмаркасида иш билан банд бўлмаган 30 нафар фуқаролар қатнашди. Ўтказилган ярмаркада улардан 16 нафарига ўзлари танлаган касб мутахассисликлари бўйича корхона ва ташкилотларга йўлланма асосида ишга юборилди. 14 нафар фуқарога қонун талабларига асосан тушунтиришлар ҳамда оилавий тадбиркорликни ривожлантириш бўйича йўл-йўриқ ва маслаҳатлар берилди.

2022-09-14 22:46:25